

10.07 2020թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 428777/04

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, քննելով թիվ 25280
վարույթը և կից նյութերը,

ՊԱՐԶԵՑԻ

Համաձայն ՀՀ պետական եկամուտների կոմիտեի հարկ վճարողների ընթացիկ հսկողության հարկային տեսչություն-վարչության 12.03.2020թ. թիվ 4123770 ակտի <<Պետտաֆ>> ՍՊԸ-ի տնօրեն Ռաֆայել Պետրոսյանը (ՀՎՀՀ՝ 01843674, հասցե՝ ք. Երևան, Հ/Ա թաղ. 30, 1) հսկիչ-դրամարկղային մեքենայով իրականացվող դրամական միջոցների հաշվառումը վարել է այնպիսի խախտումով, որը կարող էր առաջացնել հարկի նվազեցում:

Վարչական իրավախախտումների վերաբերյալ ՀՀ օրենսգրքի 169¹ հոդվածի 1-ին մասով նախատեսված պատասխանատվության միջոց կիրառելու համար Ռաֆայել Պետրոսյանին ուղարկվել է ծանուցագիր վարչական իրավախախտման վերաբերյալ արձանագրության կազմմանը և գործի քննությանը մասնակցելու համար:

Կողմը պատշաճ ծանուցված լինելով արձանագրության կազմման, գործի քննության վայրի և ժամանակի մասին չի ներկայացել: Գործում առարկություն կամ բացատրություն առկա չէ:

Գործի քննության արդյունքում, մասնավորապես ՀՀ ՊԵԿ Հարկ վճարողների ընթացիկ հսկողության հարկային տեսչություն-վարչության 12.03.2020թ. թիվ 4123770 ակտի ուսումնասիրության արդյունքում պարզվել է, որ <<Պետտաֆ>> ՍՊԸ-ի տնօրեն Ռաֆայել Պետրոսյանի կողմից թույլ է տրվել ՀՀ Կառավարության 05.10.2017թ-ի թիվ 1318-Ն որոշման աահանջների խախտում, այն է ՀԴՄ կտրոնի վրա պետք է տպագրված լիներ սահմանված տեղեկատվություն, որը սակայն կատարված գնման դեպքում կտրոնի վրա բացակայում էր, միաժամանակ Վարչական իրավախախտումների վերաբերյալ ՀՀ օրենսգրքի 169¹ հոդվածի՝ հաշվապահական հաշվառումից բացի, օրենսդրությամբ նախատեսված այլ հաշվառում (գրանցում) չվարելը կամ ձեռնարկատիրական գործունեության առարկաները չգրանցելը կամ հաշվառումը (գրանցումը) այնպիսի խախտումով վարելը կամ հայտարարագրի կամ հաշվարկի կամ հաշվետվության (այդ թվում՝ հաշվապահական) կամ հարկման հիմք հանդիսացող այլ փաստաթղթի մեջ այնպիսի կեղծ տվյալներ մտցնելը, որոնք կարող են առաջացնել (առաջացրել են) հարկի նվազեցում:

Վերոգրյալից հետևում է, որ վաճառված ապրանքի արժեքի հսկիչ-դրամարկղային մեքենա մուտքագրված լինելու պարագայում 05.10.2017թ. թիվ 1318-Ն որոշման հավելված 3-ի 23-րդ կետի պահանջի խախտումը, այն է ՀԴՄ կտրոնի վրա սահմանված տեղեկատվության տպագրված չլինելը չէր կարող առաջացնել հարկի նվազում, հետևաբար սույն գործով բացակայում է Վարչական իրավախախտումների վերաբերյալ ՀՀ օրենսգրքի 169¹ հոդվածի 1-ին մասով նախատեսված արարքի հատկանիշները, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 244², 247 հոդվածի 1-ին մասով, 281 հոդվածներով և 282 հոդվածի 2-րդ կետով՝

ՈՐՈՇԵՑԻ

Կարճել Ռաֆայել Պետրոսյանի վերաբերյալ հարուցված թիվ _____ գործի վարույթը:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

